
Ўзбекистон Президентининг Россияга ташрифига доир

- Жума, 08 Май 2015 05:41

Ўзбекистон Республикаси Президенти Ислам Каримов Россия Федерацияси Президенти Владимир Путиннинг таклифига биноан 2015 йил 8 май куни Москва шаҳрига ташриф буюради ва Иккинчи жаҳон урушида фашизм устидан қозонилган Ғалабанинг 70 йиллигига бағишланган тадбирлар доирасида Мустақил Давлатлар Ҳамдўстлиги давлат раҳбарларининг учрашувида иштирок этади.

Ислам Каримов принял участие в неформальном саммите СНГ



Владимир Путин и Ислам Каримов.

Фото: kremlin.ru

Неформальный саммит лидеров СНГ в Москве был посвящен празднованию 70-летия Победы.

В Москве в пятницу состоялась неформальная встреча глав государств-участников Содружества Независимых Государств. В ней приняли участие президенты России — Владимир Путин, Беларуси — Александр Лукашенко, Казахстана — Нурсултан Назарбаев, Кыргызстана — Алмазбек Атамбаев, Таджикистана — Эмомали Рахмон и Узбекистана — Ислам Каримов, а также председатель Исполкома СНГ Сергей Лебедев.

Основной темой саммита было празднование 70-летия Победы, сообщила пресс-служба Президента РФ. Приветствуя коллег в Кремле, Владимир Путин выразил признательность за то, что они прибыли в Москву, «чтобы отметить 70-летие Великой Победы, отдать дань уважения нашей общей истории, ветеранам, памяти всех павших в боях с нацизмом».

В текущем году в Содружестве Независимых Государств реализуется комплексный план мероприятий, посвященных 70-й годовщине окончания войны 1941-1945 годов. Нынешний год объявлен в СНГ Годом ветеранов. В Узбекистане 2015-й провозглашен Годом внимания и заботы о старшем поколении, принята и реализуется масштабная Государственная программа, в которой особое внимание уделено поддержке и защите интересов участников войны и трудового фронта.

На встрече Владимир Путин подчеркнул, что Россия заинтересована «в дальнейшем повышении эффективности разностороннего и взаимовыгодного сотрудничества стран СНГ», которое в следующем году будет отмечать 25-летие. Он также выразил надежду на то, что отношения между Россией и другими странами СНГ, в том числе с Узбекистаном, будут активно развиваться — «так, как это было в последние годы».

Участники неформального саммита поздравили Ислама Каримова и Нурсултана Назарбаева с переизбранием. Президенты также обсудили проведение очередного заседания Совета глав государств СНГ в октябре в Астане (Казахстан в этом году председательствует в СНГ).

Визит Президента Узбекистана Ислама Каримова в Москву завершён. 9 мая глава государства примет участие в мероприятиях Дня памяти и почестей в Ташкенте.

O‘TGANLARNI XOTIRLASH, KEKSALARNI E‘ZOZLASH – BIZNING FARZANDLIK BURCHIMIZDIR

09.05.2015

Prezidentimiz Islom Karimov tashabbusi bilan 9-may – Xotira va qadrlash kuni mamlakatimizda umumxalq bayrami sifatida keng nishonlanmoqda



Xotira – o‘tganlarni eslatib turadi, o‘zlikni anglatadi. Qadr – insonni ulug‘laydi, jamiyatni bezaydi. Xotira va qadrlash kuni mazmun-mohiyatida ana shunday ezgu tamoyillar mujassam.

Mustaqillik yillarida mamlakatimizda tinchlik-osoyshtalik, hamjihatlik va bag‘rikenglik mustahkam qaror topdi. Kattalarga hurmat, kichiklarga izzat, mehr-oqibat tuyg‘ulari

odamlar qalbi va shuuridan chuqur joy oldi. Ajdodlar xotirasini yod etib, ezgu ishlarini davom ettirish, bugun saflarimizda yurgan, elu yurt tinchligi va ravnaqi yo‘lida xizmat qilgan keksalarni e‘zozlash ma‘naviy hayotimizning ajralmas qismiga aylandi.

Nuroniylarning salomatligini mustahkamlash, hayotini mazmunli qilish, ko‘nglini ko‘tarish yo‘lida amalga oshirib kelinayotgan ishlar izchil davom ettirilmoqda.

Davlatimiz rahbarining 2014-yil 13-oktabrdagi “1941-1945-yillardagi urush va mehnat fronti faxriylarini ijtimoiy qo‘llab-quvvatlashni yanada kuchaytirish chora-tadbirlari to‘g‘risida”gi farmoniga asosan ularni ijtimoiy himoyalash ko‘lami yanada kengaydi. Xususan, urush va mehnat fronti faxriylari yiliga bir marta sanatoriy-sog‘lomlashtirish muassasalarida bepul davolanish imkoniyatiga ega bo‘ldi.

Prezidentimiz tashabbusi bilan 2015-yil mamlakatimizda Keksalarni e‘zozlash yili, deb nomlandi. Shu munosabat bilan qabul qilingan Davlat dasturi doirasida yoshi ulug‘ insonlarning hayot darajasi va sifatini yanada yaxshilash, ularni moddiy va ma‘naviy qo‘llab-quvvatlash ko‘lamini kengaytirish, tizimli asosda sog‘lomlashtirish kabi xayrli ishlar amalga oshirilmoqda.

Davlatimiz rahbarining joriy yil 19-fevraldagi “O‘zbekiston Respublikasi fuqarolari – 1941-1945-yillardagi urush va mehnat fronti faxriylarini “Ikkinchi jahon urushidagi G‘alabaning 70-yilligi” esdalik yubiley medali bilan mukofotlash

to'g'risida"gi hamda 6-martdagi "1941-1945-yillardagi urush qatnashchilarini rag'batlantirish to'g'risida"gi farmonlari keksalarimizga ko'rsatilayotgan e'zoz va ehtiromning mantiqiy davomi bo'ldi. Mazkur farmonlarga muvofiq urush qatnashchilari va nogironlariga yubiley medallari, pul mukofotlari va bayram sovg'alari tantanali ravishda topshirildi.

O'zbekiston Respublikasi Prezidentining shu yil 14-aprelda qabul qilingan "Keksalarni ijtimoiy himoya qilish va moddiy qo'llab-quvvatlashni yanada kuchaytirish bo'yicha qo'shimcha chora-tadbirlar to'g'risida"gi farmoni nuroniylarimizga qo'shimcha rag'bat, katta ruhiy madad bo'ldi.

Bu yil Xotira va qadrlash kuni Keksalarni e'zozlash yilida nishonlanayotgani uning ahamiyatini yanada oshirmoqda. Bayram "Jasorat, burch, matonat" shiori ostida keng nishonlanmoqda.

9-may. Poytaxtimizdagi Xotira maydoni har qachongidan gavjum. Bu yerga urush va mehnat faxriylari, senatorlar va deputatlar, hukumat a'zolari, harbiylar, jamoatchilik vakillari tashrif buyurdi.

Maydon uzra mahzun musiqa taraladi.

Soat 14:30. Maydonga O'zbekiston Respublikasi Prezidenti Islom Karimov kirib keldi.

Davlatimiz rahbari harbiy orkestr sadolari ostida Motamsaro ona haykali poyiga gulchambar qo'ydi.

Prezidentimiz Ikkinchi jahon urushida jon fido qilgan yurtdoshlarimiz xotirasiga hurmat bajo keltirdi.

– Bugun Vatanimiz, xalqimiz Ulug' Vatan urushida fashizm ustidan qozonilgan G'alabaning 70-yilgini keng nishonlamoqda, – dedi Islom Karimov ommaviy axborot vositalari vakillari bilan suhbatda. – Ana shu buyuk sana bilan avvalo urushda qatnashgan, mardlik va jasorat ko'rsatgan barcha urush faxriylarini, shular qatorida front ortida fidokorona mehnat qilgan yurtdoshlarimizni, butun xalqimizni tabriklash, urush maydonlaridan qaytmagan, bugungi musaffo osmonimiz uchun jon bergan vatandoshlarimiz xotirasi oldida bosh egish barchamiz uchun ham qarz, ham farz, deb bilaman.

Bugun hech kimga sir emas: million-millionlab odamlar halok bo'lishiga sabab bo'lgan, mislsiz yo'qotishlar, talafot va musibatlar olib kelgan bu urush insoniyat tarixidagi eng dahshatli, eng qonli qirg'in bo'lganini bu dunyoda hech kim unutmaydi. Va fashizm ustidan qozonilgan g'alaba naqadar qimmatga tushganini yurtimizda yashayotgan **har qaysi oila, har qaysi odam yana va yana bir bor anglashi, qalbidan o'tkazishi tabiiydir**, dedi davlatimiz rahbari.

O'zbekistonda o'sha paytda 6,5 million xalq yashagan bo'lsa, shuning 1,5 milliondan ko'prog'i urushda qatnashganining o'zi, qisqa qilib aytadigan bo'lsak,

barcha erkaklar, mardlarimiz qo‘liga qurol olib, yagona dushmanimizga qarshi chiqqanidan dalolat beradi.

Qariyb yarim million yurtdoshimiz shu urushda halok bo‘lgani, qancha-qanchasi nogiron, mayib-majruh bo‘lib qaytгани, qancha-qancha ayollar beva, bolalar yetim bo‘lib qolganini har qaysi oila hali-beri esidan chiqarmaydi. Boshqacha qilib aytganda, yurtimizda birorta xonadon yo‘qki, mana shu mudhish urushning jabrini o‘z boshidan o‘tkazmagan bo‘lsa.

Xalqimiz ayni shunday og‘ir vaziyatda kunni – kun, tunni – tun demasdan, mashaqqatli mehnat qilib, **front uchun, g‘alaba uchun munosib hissa qo‘shgani hech esimizdan chiqmaydi**, deb ta’kidladi Prezidentimiz.

Urush boshlanishi bilan front hududlaridan **O‘zbekistonga ko‘chirilgan 1 millionga yaqin oila va bolalarni el-yurtimiz qabul qilgani**, oxirgi bir burda nonini ham ular bilan baham ko‘rgani, “Sen yetim emassan” deb, ularning barchasini o‘z bag‘riga olib, **nafaqat boshpana bergani, o‘z qalbini ochib, mehr-muruvvat ko‘rsatganini unutib bo‘ladimi o‘zi?!**

Har qaysi xalqning odamiyligi va ma’naviy qadriyatlari, mehr-oqibat va olijanoblighi ana shunday unutilmas damlarda yaqqol namoyon bo‘ladi, desam, ayni haqiqatni aytgan bo‘laman.

Bizning ota-bobolarimiz beshafqat jang maydonlarida mardlik va matonat ko‘rsatgani uchun **ularning 338 nafari Sovet Ittifoqi Qahramoni unvoniga sazovor bo‘lgani**, ming-minglab yurtdoshlarimiz jangovar orden va medallar bilan taqdirlangani – bularning barchasini xalqimizning **fashizmga qarshi kurashda ko‘rsatgan jasorati va botirligining amaliy namoyishi deb bilamiz.**

Vaqt o‘tadi, zamonlar o‘tadi, dedi Islom Karimov, lekin Vatan ozodligi va erkinligi, el-yurtimizning tinch va osuda hayotini himoya qilishda kurashib jon bergan o‘g‘lonlarining nomlari va xotirasi ko‘pni ko‘rgan, hech qachon yovuz dushman oldida bosh egmagan xalqimizning yodida umrbod, abadiy saqlanadi. Bu fazilat el-yurtimizning ezgu odatiga, qadriyatiga aylanib ketgan.

Shularni hisobga olgan holda, bundan 17-yil oldin 9-may – G‘alaba kuniga yurtimizda Xotira va qadrlash kuni deb nom berib, naqadar to‘g‘ri ish qilganimizni vaqt o‘tishi bilan bugun hayotning o‘zi tobora tasdiqlab bermoqda.

Buning yaqqol ifodasini poytaxtimiz Toshkent shahrining markazida va joylarda barpo etilgan Xotira maydonlari ayni shu kunlarda urushdan qaytmaganlarni eslash, ularning xotirasi, arvohlari oldida bosh egish uchun kelgan yoshu qarilar, aholimiz va chet ellik mehmonlar bilan gavjum bo‘lganida ko‘rish, kuzatish mumkin.

Bu haqda so‘z yuritganda, eng avvalo bizning e’tiborimiz markazida turgan eng sharaflil vazifamiz – urushda qatnashgan, bugun safimizda bo‘lgan, har qadamda bizni qo‘llab-quvvatlab kelayotgan faxriylarimiz haqida alohida gaplashib olishimiz zarur, deb bilaman.

O‘ylaymanki, hammamiz yaxshi bilamiz – biz yashayotgan hayot – bu oqar daryo, deydi xalqimiz. Ya’ni, boshqacha aytganda, bu dunyo g‘animat ekanini esimizdan chiqarmasdan, beshafqat urushda qatnashgan, front ortida o‘zini ayamasdan mehnat qilgan vatandoshlarimizni qadrlash, e’zozlash, umrini uzaytirish, ularni eslab, holidan xabar olish, ruhini ko‘tarish – bunday ezgu ishlar barchamizning eng olijanob burchimiz bo‘lishi shart.

Bu avvalo rahbarlarning, vazifada o‘tirganlarning burchi ekanini, ular faxriylar bilan tez-tez uchrashib turishi, iloji boricha ularning hayotidagi muammolarning yechimini topishi, bunday amaliy e’tiborning ahamiyatini hech qachon esidan chiqarmasligi zarur, dedi Yurtboshimiz.

Bu borada Keksalarni e’zozlash yili, deb nom olgan joriy yilda, jumladan, 9-may – Xotira va qadrlash kuni munosabati bilan mamlakatimizda qanday keng ko‘lamli, katta chora-tadbirlar amalga oshirilayotganini xalqimiz, avvalo hurmatli faxriylarimiz yaxshi biladilar.

Lekin hayot degani muammosiz bo‘lmaydi. Shu ma’noda, yoshi ulug‘ insonlarni moddiy va ma’naviy jihatdan qo‘llab-quvvatlash, ularning tibbiy, maishiy sharoitlarini yanada yaxshilash biz uchun doimo dolzarb vazifa sifatida turishi darkor.

Inson, xalq, millat tarixiy xotira bilan tirik va barhayotdir.

Hech shubhasiz, Ulug‘ Vatan urushida barcha xalqlar bilan birga bo‘lib, fashizm balosi ustidan qozongan G‘alabamizni, bu urushda xalqimiz ko‘rsatgan matonat, mardlik va qahramonlik namunalari avlodlarimiz aslo unutmaydi, jang maydonlarida bizning o‘g‘lonlarimiz nimaga qodir ekanini doimo g‘urur va iftixor bilan eslaydi, dedi Islom Karimov.



Shu borada biz hayotimizning bir haqiqatini hech qachon esimizdan chiqarmasligimiz kerak. Mana shu beshafqat urushda, jang maydonlarida qurbon bo‘lgan ota-bobolarimiz qandaydir tepalik yoki qandaydir “ulug‘ dohiy” uchun emas, avvalo, o‘z yurti, ota-onasi, sevgan yori, farzandlari uchun jon bergan, “Qani endi, yurtimni, o‘zimning azizlarimni yana bir bor ko‘rsam”, deb hayotdan ko‘z yumgan, desak, hech qanday xato bo‘lmaydi.

Mana shunday o‘z yurtini sevish, betakror ona Vataniga sadoqatli bo‘lish, hech shubhasiz, xalqimizning qon-qoniga singib ketgan fazilat, desam, adashmagan bo‘laman.

Istiqlol davrida tugʻilib voyaga yetgan, mustaqil va yangicha fikrlaydigan, buyuk maqsadlar sari intilayotgan farzandlarimiz ota-bobolaridan meros boʻlib qolgan oʻz yurtini, tugʻilgan tuprogʻini muqaddas deb bilishi, uning ertangi yorugʻ kuni uchun butun borligʻini bagʻishlashga, kerak boʻlsa, jonini fido qilishga tayyor boʻlishi – bularning barchasi bugun hal qiluvchi kuchga aylanib borayotgan yoshlarimiz hayotining uzviy bir qismiga aylangani hammamizga ishonch va kuch-quvvat bagʻishlaydi, dedi Yurtboshimiz.

Mana shu dahshatli urush xayolimizdan oʻtar ekan, yana bir haqiqatni aytmasdan oʻtishga haqqimiz yoʻq.

Gap boshimizdan kechirgan qonli va beshafqat urush boshqa hech qachon qaytmasligi, bunday fojia va qirgʻinlarning oldini olish va ulardan odamzotni asrash haqida ketmoqda.

Bugun bir fikrni hech ikkilanmasdan aytish kerak: bizning xalqimiz koʻpchilik xalqlar qatori nimani istaydi, nimani xohlaydi – bizga tinchlik kerak, bizga omonlik kerak! Ertangi kunimiz yorugʻ, osmonimiz musaffo boʻlsin, barchamiz oʻz orzu-niyatimizga yetaylik!

Bizga, qolaversa, yer yuzidagi barcha xalqlarga ana shunday, bir qarashda juda oddiy, lekin aniq narsalar kerak!

Ammo, ming afsuski, deb taʼkidladi Prezidentimiz, buning oʻrniga bugun shiddat bilan oʻzgarib, toborakeskinlashib borayotgan dunyoda, uzoq va yaqin atrofimizda bunga teskari voqelik, vaziyat xatarli tus olmoqda va barchamizdan beparvolikka yoʻl qoʻymasdan, doimo ogoh, sezgir va hushyor boʻlishni zamonamizning oʻzi talab qilmoqda.

Jahonning turli mintaqa va hududlarida qarama-qarshilik va ziddiyatlar, qonli mojarolar, xalqaro terrorizm, ekstremizm, narkotrafik kabi xavf-xatarlar tobora kuchayib bormoqda, fashizm degan balo yana bosh koʻtarmoqda, millatchilik, shovinizm singari ofatlar maydonga chiqmoqda.

Butun insoniyatni tashvishga solayotgan bunday murakkab sharoitda barcha tinchliksevar kuchlarning saʼy-harakat va imkoniyatlarini yagona maqsad yoʻlida safarbar etish, Birlashgan Millatlar Tashkiloti Xavfsizlik kengashi va boshqa nufuzli xalqaro institutlarning oʻrni va taʼsirini kuchaytirish yanada muhim ahamiyat kasb etmoqda.

Tobora keskinlashib borayotgan bunday vaziyatda, tahdid va xatarlarni hisobga olgan holda, bizning Oʻzbekistonimiz olib borayotgan siyosat xalqimizga yaxshi maʼlum. Yaʼni, biz uzoq va yaqin atrofimizdagi barcha davlatlar, birinchi navbatda, qoʻshni mamlakatlar bilan doʻstona munosabatlar va oʻzaro manfaatli hamkorlikni yanada mustahkamlashni oʻzimizning birinchi darajali vazifamiz, deb bilamiz.

Biz dunyoning turli o'lkalarida davom etayotgan ziddiyat va qarama-qarshiliklarni faqatgina siyosiy yo'l bilan, tinchlik yo'li bilan hal etish tarafdorimiz, dedi davlatimiz rahbari.

Biz hech qanday harbiy-siyosiy blokka qo'shilmaymiz, O'zbekiston hududida chet el harbiy bazalarining joylashuviga, harbiy xizmatchilarimizning mamlakatimiz tashqarisida bo'lishiga yo'l qo'ymasligimiz zarur, deb hisoblaymiz.

Biz bugun, haqiqatan ham, qanday go'zal, betakror zaminda yashayapmiz. Shu ma'noda, "Biz kecha kim edigu bugun kim bo'ldik?" degan savolni oldimizga qo'yib, hozirgi hayotimizni kechagi kunimiz bilan solishtiradigan, **qiyoslaydigan bo'lsak, o'ylaymanki, oramizda Vatanimizning bugungi taraqqiyoti bilan faxrlanmaydigan, buni qadrlamaydigan odamning o'zi yo'q, desam, adashmagan bo'laman.**

Oldimizda turgan eng ustuvor vazifalar haqida gapiradigan bo'lsak, dedi davlatimiz rahbari, eng muhimi, barchamizning boshlagan ishlarimizning davomchisi bo'lgan, barcha mas'uliyatimizni o'z zimmasiga olishga qodir bo'lgan farzandlarimiz – yoshlarimiz, yangi avlodlarimizga ravon yo'llarni ochib berishga e'tiborimizni yanada kuchaytirishimiz zarur va ularni har qanday balo-qazolardan asrashimiz kerak.

Yaqinda Birlashgan Millatlar Tashkiloti ko'magida AQShning Kolumbiya universiteti sotsiologlari tomonidan "**Dunyoning eng baxtli mamlakatlari**" degan mavzuda tadqiqot o'tkazildi va uning natijalari matbuotda e'lon qilindi.

Ana shu tadqiqotga ko'ra, O'zbekistonimiz mazkur reytingda 158 mamlakat orasida 44-o'rinni, Mustaqil Davlatlar Hamdo'stligi davlatlari o'rtasida esa birinchi o'rinni egallagan.

Bu nimaning dalolati, bu nimaning isboti?

Bu avvalambor mustaqillik davrida biz erishgan ulkan marralarni, iqtisodiyotimiz barqaror sur'atlar bilan rivojlanayotgani, odamlarimizning hayot darajasi va sifati oshib borayotgani va bu yutuqlarni dunyo hamjamiyati yana bir bor tan olayotganini ko'rsatadi, deb ta'kidladi Prezidentimiz.

Eng muhimi, bularning barchasi ko'pni ko'rgan, ertangi kunga katta ishonch bilan yashayotgan, irodasi baquvvat, iymoni butun xalqimizning mehnati, mardligi va matonatining natijasidir.

Bularning barchasini O'zbekistonimiz Ollohning nazari tushgan tabarruk yurt ekanining, Xudoning o'zi yo'limizni ochib berayotganining tasdig'i deb bilamiz.

Bizning tilagimiz, istagimiz shuki, Yaratganimiz bizdan o'z marhamatini darig' tutmasin, yomon ko'zlardan o'zi asrasin, ezgu ishlarimizda doimo o'zi madadkor bo'lsin, dedi pirovardida Islom Karimov.